



SWYDD-DDISGRIFIAD

Teitl y Swydd	Therapydd Galwedigaethol
Cyfarwyddiaeth	Gwasanaethau Cymdeithasol
Yn atebol i	Rheolwr Tîm - Paula Curtis
Lleoliad	Lleoliad: Tŷ Dewi Sant, a gweithio ar draws y Sir

Pwrpas y Swydd

Darparu asesiadau therapi galwedigaethol i blant sydd ag anghenion corfforol ac iechyd meddwl hirdymor i gyflawni eu canlyniadau galwedigaethol yn eu cartref. Gweithio gyda'r plentyn a'u rhieni/gofalwyr i lunio cynllun gweithredu i gael gwared ar y rhwystrau, adeiladu ar gryfderau'r plentyn, a'u cefnogi nhw i wella gweithrediad. Pan fo angen, argymhell technegau, cyfarpar a/neu addasiadau i alluogi iddynt barhau i fyw gartref/yn y gymuned mor annibynnol ag sy'n bosibl.

Prif Gyfrifoldebau

1. Cwblhau'r broses Therapi Galwedigaethol mewn lleoliadau amrywiol o fewn y gymuned, er enghraifft yng nghartrefi pobl, cartrefi lloches a phreswyl neu ysgolion, gan weithio'n agos gyda chydweithwyr ym maes tai, iechyd, gwasanaethau gofal a'r trydydd sector yn rheoli llwyth o achosion cymhleth.
2. Cynnal asesiadau therapi galwedigaethol sy'n canolbwyntio ar ganlyniadau, ac asesiadau arbenigol o ran codi a symud yn gorfforol, cymryd risgiau'n gadarnhaol, asesiadau eistedd a'r amgylchedd i gefnogi cynllunio argymhellion ac ymyraethau manwl.
3. Meddu ar wybodaeth a rhannu technegau fel y bo'n briodol i gefnogi pobl i allu symud a gweithredu gymaint â phosib' a chefnogi eu gofalwyr lle bo modd.
4. Asesu a darparu cyfarpar anabledd lle bo angen, a defnyddio neu ddiystyru stoc craidd a/neu ymchwilio i archebion arbenigol ar wahân i stoc a fydd yn cynorthwyo cleientiaid a/neu ofalwyr i allu gwneud tasgau bywyd bob dydd mor ddiogel ac annibynnol â phosib'.
5. Asesu a gwneud argymhellion lle bo angen i gefnogi darparu addasiadau, sy'n cynnwys addasiadau bach a mawr i gartrefi pobl, ar y cyd â chydweithwyr tai a phartneriaid i gynorthwyo cleientiaid a/neu ofalwyr i fod mor annibynnol â phosib' wrth gyflawni eu canlyniadau galwedigaethol. Lle nad yw addasiadau'n briodol, bydd y Therapydd Galwedigaethol yn helpu gyda dechrau a chwblhau asesiadau ailgartrefu.
6. Parhau i ddatblygu'n broffesiynol, gan gynnwys derbyn yr hyfforddiant priodol, derbyn goruchwyliaeth glinigol yn rheolaidd, myfyrio ar waith, cynnal portffolio proffesiynol, cymryd rhan weithredol yn addysg gwaith maes myfyrwyr, cadw at y cod ymddygiad proffesiynol a'r cod moeseg, sicrhau aelodaeth â chyrff proffesiynol angenrheidiol (HCPC/RCOT) a cheisio aelodaeth o grwpiau diddordeb arbenigol lle bo hynny'n briodol ar gyfer y maes ymarfer.
7. Arddangos sgiliau cyfathrebu rhagorol gan weithio gyda phobl a'u teuluoedd yn ogystal ag asiantaethau amrywiol ar draws iechyd, gofal cymdeithasol, tai, y trydydd sector a'r sector cyhoeddus i gasglu gwybodaeth ychwanegol ar ddefnyddwyr gwasanaeth neu eu cynlluniau, rhannu

gwybodaeth fel sy'n briodol, achosion gwaith ar y cyd, cyfeirio pobl at gymorth a darparu safbwynt proffesiynol mewn lleoliadau meddygol / cyfreithiol yn ôl yr angen.

8. Cwblhau cofnodion papur ac electronig o safon uchel yn amserol yn ôl y gofyn yn unol â chanllawiau proffesiynol, canllawiau llywodraeth leol a chanllawiau diogelu data.

Goruchwyllo / Rheoli Pobl

Dim

Manylion am yr Unigolyn

Mae'r manylion am yr unigolyn yn nodi'r sgiliau, y wybodaeth a'r profiad a ystyrir yn angenrheidiol i gyflawni'r swydd, ac fe'i defnyddir wrth lunio rhestr fer ar y cam cyflwyno cais a'r cam cyfweld. Mae'n bwysig felly eich bod yn dangos yn eich cais sut rydych yn bodloni pob un o'r gofynion hanfodol.

Cymwysterau Academaidd / Proffesiynol	Hanfodol / Dymunol	Sut fydd hyn yn cael ei asesu?
Gradd mewn Therapi Galwedigaethol	Hanfodol	Ffurflen Gais
Cofrestriad HCPC	Hanfodol	Ffurflen Gais
Ymrwymiad i hyfforddiant a datblygiad proffesiynol parhaus	Hanfodol	Ffurflen Gais / Cyfweliad

Gwybodaeth a Phrofiad		
Dealltwriaeth o'r egwyddorion a'r cyfrifoldebau sy'n deillio o weithredu deddfwriaeth berthnasol fel Deddf Gwasanaethau Cymdeithasol a Llesiant	Hanfodol	Ffurflen Gais / Cyfweliad
Profiad o ddarparu gwasanaethau i unigolion a gofalwyr yn eu cartrefi eu hunain	Hanfodol	Ffurflen Gais / Cyfweliad
Profiad o weithio yn y gymuned gan ddefnyddio dull gweithredu sy'n galluogi ac yn canolbwyntio ar unigolion	Dymunol	Ffurflen Gais / Cyfweliad
Sgiliau		
Gallu cael sgysiau sy'n canolbwyntio ar ganlyniadau ar sail cryfderau	Hanfodol	Ffurflen Gais / Cyfweliad
Gallu asesu galluoedd gweithredu unigolion a'u gofalwyr.	Hanfodol	Ffurflen Gais / Cyfweliad
Sgiliau cyfathrebu ac ymgysylltu ardderchog, yn ysgrifenedig ac ar lafar, gyda staff o fewn sefydliad, asiantaethau partner a'r cyhoedd.	Hanfodol	Ffurflen Gais / Cyfweliad
Gallu cyflwyno adroddiadau a syniadau yn gryno, gwneud cyflwyniadau i wahanol gynulleidfaoedd ar ystod o bynciau i amrywiaeth o fudd-ddeiliaid megis yr awdurdodau lleol, iechyd, sector gwirfoddol.	Dymunol	Ffurflen Gais / Cyfweliad
Gallu blaenoriaethu eich llwyth gwaith eich hun o fewn terfynau amser adrannol.	Hanfodol	Ffurflen Gais / Cyfweliad
Gallu delio gydag unrhyw wrthdaro a gallu cyd-drafod	Hanfodol	Ffurflen Gais / Cyfweliad
Dangos dull hyblyg o weithio gyda'r gallu i gymryd rhan mewn amrywiaeth o dasgau. Bod â dull dadansoddol o ddatrys problemau, gan wneud gwelliannau ac argymhellion fel bo'n briodol.	Hanfodol	Ffurflen Gais / Cyfweliad
Gallu arwain, annog, a chymryd rhan mewn amrywiaeth o grwpiau	Hanfodol	Ffurflen Gais / Cyfweliad
Sgiliau TG cryf gan gynnwys rhaglenni Office	Hanfodol	Ffurflen Gais / Cyfweliad
Ymrwymiad i weithio ar y cyd ag lechyd ac asiantaethau partner /cydweithwyr eraill.	Hanfodol	Ffurflen Gais / Cyfweliad